

videntibus Ravennatibus, qui ad dictam civitatem defensuri venerant, et nullatenus [a] ausi fuerunt ad eos irruere; et sic omnia per duos dies combusserunt hostiliter. Tercio vero die, equitaverunt Faventiam milites subiiciendo se periculo mortis, obstacula multa et aquosa [b] transeunt. A plebe Sancti Pancratii [c] et Guthi, tam animalium quam hominum praedam duxerunt non modicam.

Quando Faventini iverunt [d] ad ponticellos [e] Sancti Vitalis.

## CAP. CCVIII.

Anno Domini MCCXXXV, die x. septembris, equitaverunt Faventini omnes in planum Ravennae, capientes omnia et comburentes usque ponticellos [f] Sancti Vitalis; et quidam iverunt usque Montinos [g]. Ravennates vero non de succursu Taurisii [h] putantes, sed infra civitatis mœnia viriliter sunt conclusi. Praedam inde duxerunt non modicam.

Quando Faventini iverunt apud castrum Caminatæ.

## CAP. CCIX.

Anno Domini MCCXXXV, die XII. septembris, Faventini omnes equitaverunt a castris Caminatæ et Medulæ [i] inferius; et omnia combusserunt hostiliter.

Quando Faventini iverunt Longanam.

## CAP. CCX.

Anno Domini MCCXXXV, die XII. octobris, equitaverunt Faventini omnes in planum Ravennae, comburentes et capientes villam Fluminis novi, villam Peratellæ, villam Sancti Petri ad Vincula, et totam villam Longanæ [j], et fere omnes usque fornaces quæ sunt prope civitatem; et si potestas permisisset, ipso die bellum foret inceptum atque perfectum, et æternam pacem eorum acquisivissent filii.

[a] et nullatenus. Addidi conjunctionem, et. — [b] multa et aquosa, C. V.; multa et equos, C. A. — [c] iverunt ad ponticellos, C. V.; iverunt ad Ponticellum, C. A.; et sic porro. — [d] usque Montinos. Sic C. A.; usque Martini, C. V. — [e] de succursu Taurisii, C. V.; de succursu Tarvisii, C. A. — [f] et Medulæ. Sic Codd., pro Meldulæ. — [g] et totam villam Longanæ, C. A.; et villam Bongandæ, C. V.

[4] Plebis Sancti Pancratii, sitae in territorio Livienso, meminit charta ann. 963, E, 1857, Arch. Archiep. Rav. An vero hic sermo est de illa plebe Sancti Pancratii, quae olim erat in territorio Ravennae, pertinebatque ad iura archiepiscopi Ravennatis? Proxima commemoratio Guthi id innuere videtur.